

Pigisanik aalaakkaasunik arsaarinnissuteqartarneq pillugu Inatsisartut inatsisaat

§ 1. Inooqatigiit ataatsimut iluaqutissaat siunertaralugu pisariaqartinneqarpat Naalakkersuisut aalajangersinnaavaat suliassa qarfinni Namminersornerullutik Oqartussanut atasuni pigisanik aalaakkaasunik privatimik pigineqartunik arsaarinninnissaq.

Imm. 2. Arsaarinninnissaq aalajangerneqartinnagu pigisap aalaakkaasup tunniunneqarnissaa tamanut naammaginatut isumaqatigiissuteqarnikkut anguniarneqassaaq.

Imm. 3. Arsaarinninnermi arsaarinnissutaasumut oqartussaaffiginninnerit tamarmik atorunnaassapput Naalakkersuisut allaasumik aalajangiisimangippata.

§ 2. Taarsiissutissat aalajangerneqassapput ataatsimiititaliamit inunnik nakerisarsiortuunngitsunik sisamanik tallimanilluunniit ilaasortalimmit, taakkunanngalu siulittaasoq ilaasortarluni alla ataaseq Naalakkersuisunit toqqarneqassapput, ilaasortaq ataaseq toqqarneqassalluni najukkami kommunalbestyrelsimit ilaasortallu marluk toqqarneqassallutik arsaarinninniarluni suliami attorneqartunit namminersortunit arlariinnit, pigisaat arsaarinninniutaappat, imaluunniit toqqarneqassalluni ilaasortaq ataaseq, taamatut attorneqartoq ataasiinnaappat.

Imm. 2. Ilasortat Naalakkersuisunit toqqarneqartut Naalakkersuisunit imaluunniit Inatsisartunit ilasortaassanngillat imaluunniit atorfeqartuussanngillat Namminersornerullutik Oqartussani imaluunniit ingerlassani 50 pct-imik annerusumilluunniit Namminersornerullutik Oqartussanit pigineqartuni. Aammattaaq siulittaasoq inatsisilerituutut atorf ilissatut soraarummeersimassaaq, ilaasortarluni Naalakkersuisunit toqqagaasup aappaa Kalaallit Nunaanni illuliortarnermik imaluunniit illuliortarnermut tunngasunik paasisimasartuussuussaaq. Ilasortaq imaluunniit ilaasortat suliami pineqartumik piginnittuusunit namminersortunit toqqarneqartut piginnittuusut arlaannaanniluunniit piginneqataassanngilaq atorfeqartuussaniluunniit.

Imm. 3. Namminersortut piginnittuusut sinniisussaannik toqqaanissamut piffissamik Naalakkersuisut killiliinnaapput. Piffissamut killiliussaq taanna eqqortinneqanngippat § 3, imm. 2 aamma 3 naapertorlugit ataatsimiittoqareerneratigut taarsiissutissat Naalakkersuisut aalajangersinnaavaat.

§ 3. Taarsiissutissat aalajangerneqartinnagit ataatsimiititaliap nakkutigissavaa arsaarinninnissamik aalajangiinerup arsaarinninniarnermi siunertarineqartumit annertunerusumik imaqanginnissaa. Ataatsimiititaliap tamatumuuna piumasarisinnaavaa arsaarinninnissamik aalajangiinnermi allanngortitilaagassat pisariaqartut Naalakkersuisunit naammassineqarnissaat.

Imm. 2. Tamanna pereerpat ataatsimiititaliap suliassami illuatungeriit misissuinissamut aggersassavai, misissuinermilu tassani illuatungeriit tamarmik oqaaseqarsinnaatitaapput pissutsit isumartik malillugu

taarsiivigineqarnissap aalajangerneqarnissaani sunniuteqartariaqarsorisatik nassuiarlugit.

Imm. 3. Ataatsiroiititaliap isumagissavaa misissuinissap qaqugu sumilu pinissaata tamanna sivikinnerpaamik sapaatit akunnerinik sisamanik sioqqullugu nunamut tamarmut aviisit aqqutigalugit tamanut nalunaarutiginnissaa. Nalunaarutikkut tassuuna ilisimatitsissutigineqassaq arsaarinninnissamik aalajangikkap tamanit takuniarneqarsinnaalluni sumiinnera.

Imm. 4. Ataatsimiititaliaq ataatsimeeqittarsinnaavoq tamanna pisariaqarsorinarpat.

§ 4. Aalajangigassat, isumaqatigiittoqanngikkaangat, ataatsimiititaliap taasisut amerlanerit isumaat malillugu aalajangertassavai.

§ 5. Arsaarinninnissap imaluunniit taarsiissutissatut aalajangikkat eqqartuussivimmi misissorneqarnissaannik piumasarsaq Kalaallit Nunaata Eqqartuussiviani suliarineqaqqaartussatut suliaasannngortinneqassaaq arsaarinninnissaq pillugu Naalakkersuisut aalajangiinerata imaluunniit taarsiissutissat pillugit ataatsimiititaliap aalajangiinerata pineqartumut anngunneqarnerata kingornagut sapaatit akunneri sisamat qaangiutsinnagit.

Imm. 2. Immikkut ittunik pissutissaqartillugu Nunatta Eqqartuussiviata akuerisinnaavaa eqqartuussivimmi nangitseqqusinerup piffissamut killiliussap imm. 1-imi taaneqartup qaangiutereerneragut pinissaa.

Imm. 3. Eqqartuussivimmi nangitseqqusineq kinguarsaanissamik sunniuteqassanngilaq Nunatta Eqqartuussivia allatut aalajangiinngippat.

§ 6. Aningaasat taarsiissutissat eqqartuussinerni ernialiunneqartartumik ernialersortinneqassapput Naalakkersuisut arsaarinninnissamik aalajangernerannit. Piffissamilli allamiit ernialersuinissaq ataatsimiititaliap aalajangersinnaavaa, taamaaliornissamut immikkut pissutissaqarpat, pingaartumik arsaarinninneq kingusinnerusukkut aatsaat pissappat piginnittullu pigisani tamatuma tungaanut ingerlatiinnarsinnaassappagu.

§ 7. Arsaarinninnissamik piumasaqartup taarsiissutissat akilissavai taakkua annertussusissaasa inissutaasumik aalajangerneqarnerata kingornagut sapinngisamik piaartumik, kingusinnerpaamillu piumasaqartup arsaarinnissutaasumut oqartussaaffiginnilerani.

§ 8. Qularnaveerusiisunut taarsiissutissat tunniunneqassapput tulleriiarlutik pisassaqrnerat malillugu.

§ 9. Ataatsimiititaliap sulianik qanoq ingerlatsisarnissaa pillugu Naalakkersuisut maleruagassaliorsinnaapput.

Imm. 2. Ataatsimiititaliami ilaasortat akissarsiassaata aalajangerneqassapput Kalaallit Nunaanni Naalakkersuisunut, Kalaallit Nunaanni Inatsisartunut ilaasortat akissarsiata il.il. pillugit Inatsisartut inatsisaat naapertorlugu.

Imm. 3. Pigisanik aalaakkaasunik arsaarinninnerit naammassinninnerni aningaasartuutit arsaarinninnissamik piumasaqartumit akilerneqassapput, Naalakkersuisut qaqutigut allatut aalajangiisimangikkaangata.

Imm. 4. Taartisiassaartoq namminerminut tunngasut isumannaatsumik suliarineqarnissaannut suliap ingerlanneqarnerani pisariaqartumik ikiortigisariaqakkaminut soorlu eqqartuussissuserisumut,

naatsorsuutini kukkuni siusartumut il.il. aningaasartuuteqarpat ataatsimiititaliap suliarinneqqusisoq peqqusif f igisinnaavaa taanna aningaasartuutigisaanut naleqquttumik taarsiivigissagaa.

§ 10. Inatsisartut inatsisaat una Suliassa qarfinni Namminersornerullutik Oqartussanut atasuni pigisanik aalaakkaasunik arsaarinnissuteqartarneq pillugu Kalaallit Nunaannut inatsit Folketingimit akuersissutigineqassappat atortuulissaaq novembarip aallaqqaataani 1992-imi.

Namminersornerullutik Oqartussat, ulloq 30. oktober 1992

Lars Emil Johansen

/

Kaj Kleist

Namminersorluti Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorluti Oqartussat inatsisinut toqqorsiviat

Naalakkersuisut